

BAB 1 TAKRIF DAN TAFSIRAN**BAHAGIAN A – TAKRIF****1.01 Takrif**

Dalam Kehendak-Kehendak ini, melainkan jika konteksnya menghendaki makna yang lain:-

Akta Syarikat	ertiinya Akta Syarikat 2016.
aktiviti penyenaraian permulaan	ertiinya aktiviti yang dinyatakan dalam Bahagian D Bab 4 yang boleh dijalankan oleh seorang Penasihat yang Diluluskan berhubung dengan penerimaan masuk pemohon dalam Pasaran LEAP menurut Bab 3.
aktiviti selepas penyenaraian	ertiinya aktiviti yang dinyatakan dalam Bahagian E Bab 4 yang boleh dijalankan oleh seorang Penasihat Berterusan dalam pemberian nasihat atau panduan kepada perbadanan tersenarai tentang obligasi penyenaraianya yang berterusan.
aset bersih	merujuk aset bersih yang boleh dikaitkan dengan pemegang ekuiti biasa bagi perbadanan tersenarai.
awam	ertiinya semua orang tetapi tidak termasuk - <ul style="list-style-type: none"> (a) pengarah bagi pemohon dan subsidiarinya; (b) pemegang syer substansial bagi pemohon; dan (c) sekutu pengarah atau pemegang syer substansial bagi pemohon.
Bank Negara Malaysia	ertiinya bank pusat di Malaysia yang ditubuhkan di bawah Akta Bank Negara Malaysia 2009.
Bursa	ertiinya Bursa Malaysia Securities Berhad.
CMSA	ertiinya Akta Pasaran Modal dan Perkhidmatan 2007.
daftar	ertiinya daftar anggota yang disimpan menurut Akta Syarikat.
Daftar Penasihat	ertiinya daftar yang disenggarakan oleh Bursa untuk Pasaran LEAP yang menyatakan semua orang yang telah diluluskan oleh Bursa untuk bertindak sama ada sebagai seorang Penasihat yang Diluluskan atau seorang Penasihat Berterusan menurut Bab 4 Kehendak-Kehendak ini dan kelulusan tersebut belum dibatalkan atau digantung.
Depositori	ertiinya Bursa Malaysia Depository Sdn. Bhd.
hari pasaran	ertiinya hari apabila pasaran saham Bursa dibuka untuk dagangan sekuriti.
juruaudit	ertiinya seorang juruaudit yang didaftarkan sebagai juruaudit berdaftar atau diakui sebagai juruaudit diiktiraf di bawah seksyen 310 Akta Suruhanjaya Sekuriti Malaysia 1993.

Kaedah-Kaedah Bursa	ertiya Kaedah-Kaedah Bursa Malaysia Securities Berhad termasuk apa-apa pindaan yang dibuat dari semasa ke semasa.
Kaedah-Kaedah Depositori	ertiya Kaedah-Kaedah Bursa Malaysia Depository Sdn. Bhd., termasuk apa-apa pindaan yang dibuat dari semasa ke semasa.
Kehendak-Kehendak ini keluarga	ertiya Kehendak-Kehendak Penyenaraian Pasaran LEAP Bursa Malaysia Securities Berhad, termasuk apa-apa pindaan yang dibuat dari semasa ke semasa. berhubung dengan seseorang, ertiya orang itu yang tergolong dalam mana-mana kategori berikut:
	(a) suami atau isteri; (b) ibu atau bapa; (c) anak termasuk anak angkat dan anak tiri; (d) abang atau adik lelaki atau kakak atau adik perempuan; atau (e) suami atau isteri orang yang disebut dalam sub-Kaedah (c) atau (d) di atas.
ketua eksekutif	berhubung dengan suatu perbadanan, ertiya pegawai eksekutif utama perbadanan itu pada masa ini, walau apa jua nama disebut, dan sama ada dia seorang pengarah atau tidak.
Kod Pengambilalihan dan Percantuman	ertiya Kod Malaysia mengenai Pengambilalihan dan Percantuman 2016 dan Kaedah-Kaedah mengenai Pengambilalihan, Percantuman dan Pengambilan Paksa 2016, termasuk apa-apa pindaan yang dibuat dari semasa ke semasa.
Lembaga Pemantauan Audit	ertiya lembaga yang ditubuhkan di bawah seksyen 31C Akta Suruhanjaya Sekuriti Malaysia 1993.
orang	termasuk kumpulan orang, pertubuhan perbadanan atau badan tidak diperbadankan (termasuklah suatu amanah).
orang yang berhubungan	berhubung dengan seorang pengarah atau pemegang syer utama pemohon atau perbadanan tersebut, ertiya seorang sekutu atau rakan kongsi pengarah atau pemegang syer utama itu.
pakar	termasuk seorang jurutera, penilai, akauntan dan mana-mana orang lain yang berdasarkan profesion dan reputasinya menjadikan sesuatu pernyataan yang dibuat olehnya mempunyai kewibawaan.
pelabur mahir	ertiya mana-mana orang yang tergolong dalam mana-mana kategori pelabur yang dinyatakan dalam Bahagian I Jadual 6 atau Bahagian I Jadual 7 CMSA.

pemegang syer mengawal	ertinya mana-mana orang atau kumpulan orang yang secara kolektifnya, berhak untuk menjalankan atau mengawal penjalanan lebih daripada 33% syer mengundi atau hak mengundi dalam suatu perbadanan (atau apa-apa peratusan lain sebagaimana yang ditetapkan dalam Kod Pengambilalihan dan Percantuman termasuk apa-apa pindaan yang dibuat dari semasa ke semasa, sebagai tahap untuk memulakan suatu tawaran am wajib) atau yang boleh mengawal keanggotaan majoriti lembaga pengarah perbadanan tersebut.
pemegang syer substansial	mempunyai erti yang diberikan dalam seksyen 136 Akta Syarikat.
pemegang syer utama	ertinya seseorang yang mempunyai kepentingan sebanyak 10% atau lebih daripada jumlah bilangan semua syer mengundi dalam suatu perbadanan.
	Bagi maksud takrif ini, “ kepentingan ” hendaklah mempunyai erti “ kepentingan dalam syer ” yang diberikan dalam seksyen 8 Akta Syarikat.
pemohon	ertinya sesuatu perbadanan yang memohon bagi penerimaan masuk sekuritinya.
penasihat	berhubung dengan sesuatu perbadanan tersenarai, ertinya – <ul style="list-style-type: none"> (a) seorang Penasihat; (b) seorang penasihat kewangan, peguam, akauntan, penilai, atau mana-mana orang lain yang dilantik oleh perbadanan tersenarai untuk memberikan nasihat atau perkhidmatan profesional berhubung dengan sesuatu perkara yang dikawal oleh Kehendak-Kehendak ini; atau (c) mana-mana orang lain yang, bertindak atas kapasiti seorang penasihat, mengemukakan, menyerahkan atau menzahirkan suatu permohonan, surat pekeliling atau apa-apa dokumen lain kepada Bursa bagi pihak seseorang pemohon atau perbadanan tersenarai.
Penasihat	ertinya sama ada seorang Penasihat yang Diluluskan atau Penasihat Berterusan, atau kedua-duanya, yang didaftarkan dalam Daftar Penasihat.
penasihat atau pakar bebas	ertinya seseorang penasihat atau pakar yang tidak terikat dengan pengurusan dan lembaga pengarah pemohon atau perbadanan tersenarai yang melantiknya dan bebas daripada apa-apa urusan atau hubungan lain yang boleh mengganggu pembuatan keputusan yang bebas oleh penasihat atau pakar tersebut.
Penasihat Berterusan	ertinya seseorang Penasihat yang dibenarkan oleh Bursa untuk menjalankan aktiviti selepas penyenaraian sahaja.

Penasihat yang Diluluskan	ertiya seseorang Penasihat yang dibenarkan oleh Bursa untuk menjalankan aktiviti penyenaraian permulaan dan juga aktiviti selepas penyenaraian.
pendeposit	ertiya pemegang akaun sekuriti yang diwujudkan oleh Depositori.
penerimaan masuk	ertiya penerimaan masuk sekuriti dalam Pasaran LEAP Bursa dan “ diterima masuk ” akan ditafsirkan dengan sewajarnya.
penganjur	termasuk pemegang syer mengawal, orang yang berhubungan dengan pemegang syer mengawal dan pengarah eksekutif yang merupakan pemegang syer substansial bagi pemohon atau perbadanan tersenarai.
pengarah	mempunyai erti yang diberikan dalam seksyen 2(1) CMSA.
perbadanan	mempunyai erti yang diberikan dalam seksyen 2(1) CMSA.
perbadanan tersenarai	ertiya suatu perbadanan yang sekuritinya atau mana-mana kelas sekuritinya telah diterima masuk dalam Pasaran LEAP dan tidak dikeluarkan.
perniagaan teras	ertiya perniagaan yang menyediakan sumber utama bagi hasil operasi atau keuntungan selepas cukai sesuatu perbadanan dan yang terdiri daripada aktiviti utama perbadanan itu dan subsidiarinya.
pertukaran ahli lembaga pengarah sesuatu perbadanan tersenarai	<p>ertiya suatu pertukaran dalam tempoh 12 bulan dari tarikh pemerolehan-</p> <ul style="list-style-type: none"> (a) sekurang-kurangnya separuh daripada keanggotaan lembaga pengarah perbadanan tersenarai itu; atau (a) sekurang-kurangnya satu pertiga daripada keanggotaan lembaga pengarah perbadanan tersenarai itu, termasuk ketua eksekutif.
perubahan yang signifikan dalam haluan perniagaan atau dasar	<p>berhubung dengan suatu perbadanan tersenarai ertiya -</p> <ul style="list-style-type: none"> (a) sesuatu pemerolehan aset sehingga mana-mana satu nisbah peratusan ialah 100% atau lebih, kecuali jika aset yang akan diperoleh adalah dalam sesuatu perniagaan yang serupa dengan perniagaan teras perbadanan tersenarai itu; (b) sesuatu pemerolehan aset yang menyebabkan perubahan dalam pemegang syer mengawal perbadanan tersenarai itu; (c) sesuatu pemerolehan aset yang menyebabkan perubahan dalam lembaga pengarah perbadanan tersenarai itu; atau (d) sesuatu aktiviti penstrukturkan semula yang melibatkan pemindahan status penyenaraian perbadanan

	tersenarai itu dan pengenalan aset baharu kepada perbadanan yang satu lagi.
	Bagi maksud takrif ini, “ nisbah peratusan ” mempunyai erti yang sama sebagaimana yang dinyatakan dalam Kaedah 7.02.
pihak yang berkaitan	ertinya pengarah atau pemegang syer utama pemohon atau perbadanan tersenarai atau orang yang berhubungan dengan pengarah atau pemegang syer utama tersebut. Bagi maksud takrif ini, “ pengarah ” dan “ pemegang syer utama ” mempunyai erti yang diberikan dalam Kaedah 7.02.
pindaan	berhubung dengan sesuatu dokumen atau maklumat, termasuk apa-apa penambahan, pemotongan, pengubahsuaian atau pengubahan mana-mana bahagian dokumen atau maklumat tersebut, dan “ dipinda ” akan ditafsirkan dengan sewajarnya.
rakan kongsi	berhubung dengan pengarah, pemegang syer utama atau orang yang berhubungan dengan pengarah atau pemegang syer utama itu, ertinya mana-mana orang yang tergolong dalam mana-mana satu daripada kategori yang berikut:
	(a) orang yang dengannya pengarah, pemegang syer utama atau orang yang berhubungan dengan pengarah atau pemegang syer utama itu, terlibat atau bercadang untuk mengadakan perkongsian. “ Perkongsian ” bagi maksud ini merujuk suatu “ perkongsian ” sebagaimana yang ditakrifkan dalam seksyen 3 Akta Perkongsian 1961 atau “ perkongsian liabiliti terhad ” sebagaimana yang ditakrifkan dalam seksyen 2 Akta Perkongsian Liabiliti Terhad 2012, mengikut mana-mana yang berkenaan; atau
	(b) orang yang dengannya pengarah, pemegang syer utama atau orang yang berhubungan dengan pengarah atau pemegang syer utama itu, telah menjalin atau bercadang untuk menjalin usaha sama, sama ada diperbadankan atau tidak.
Rekod Pendeposit-Pendeposit	ertinya rekod yang disediakan oleh Depositori kepada perbadanan tersenarai di bawah Bab 24.0 Kaedah-Kaedah Depositori.
SC	ertinya Suruhanjaya Sekuriti Malaysia yang ditubuhkan di bawah seksyen 3 Akta Suruhanjaya Sekuriti Malaysia 1993.
sekuriti	mempunyai erti yang diberikan dalam seksyen 2(1) CMSA.
sekuriti boleh tukar	ertinya sekuriti yang boleh ditukar atau dilaksanakan, mengikut terma penerbitannya, kepada syer.
sekutu	berhubung dengan mana-mana orang (yang disebut sebagai “ Pihak Tersebut ”), ertinya seseorang yang termasuk dalam mana-mana satu daripada kategori yang berikut:
	(a) seorang anggota keluarga Pihak Tersebut;

- (b) seorang pemegang amanah bagi suatu amanah (selain seorang pemegang amanah bagi suatu skim syer untuk pekerja atau skim pence) yang di bawahnya Pihak Tersebut atau seorang anggota keluarga Pihak Tersebut merupakan benefisiari tunggal;
- (c) seseorang, atau jika orang itu ialah suatu pertubuhan perbadanan, pengaruhnya, yang pada kebiasaannya atau di bawah suatu obligasi, sama ada secara formal atau tidak formal, untuk bertindak mengikut arahan, petunjuk atau kemahuuan Pihak Tersebut;
- (d) seseorang, atau jika orang itu ialah suatu pertubuhan perbadanan, pengaruhnya, yang mengikut arahan, petunjuk atau kemahuannya Pihak Tersebut pada kebiasaannya atau di bawah suatu obligasi, sama ada secara formal atau tidak formal, bertindak;
- (e) suatu pertubuhan perbadanan yang pengarah, pemegang syer atau anggota keluarga Pihak Tersebut berhak untuk menjalankan, atau mengawal penjalanan, tidak kurang daripada 20% undi yang diberikan kepada syer mengundi dalam pertubuhan perbadanan itu; atau
- (f) suatu syarikat pemegangan atau subsidiari Pihak Tersebut, atau suatu subsidiari syarikat pemegangan bagi Pihak Tersebut.

syarikat bersekutu utama atau
subsidiari utama

ertiinya suatu syarikat bersekutu atau subsidiari, mengikut mana-mana yang berkenaan, yang menyumbang 70% atau lebih keuntungan sebelum cukai atau jumlah aset yang digunakan perbadanan tersenarai secara penyatuan.

Bagi maksud takrif ini, “**syarikat bersekutu**” mempunyai erti yang diberikan kepada “**sekutu**” di bawah piawaian perakaunan yang diterbitkan atau diterima pakai oleh Lembaga Piawaian Perakaunan Malaysia.

Syarikat Pemegangan Bursa

ertiinya Bursa Malaysia Berhad.

tarikh tutup buku

ertiinya masa dan tarikh tertentu yang ditetapkan oleh perbadanan tersenarai bagi maksud menentukan kelayakan untuk dividen, faedah, sekuriti baharu atau pengagihan lain atau hak pemegang sekuritinya.

tawaran jualan

ertiinya pelawaan oleh, atau bagi pihak, seseorang pemegang sekuriti sedia ada untuk membeli sekuriti perbadanan yang telah diterbitkan atau diumpukan.

Tempoh Nasihat

ertiinya tempoh yang disebut dalam Kaedah 3.12.

terbitan terkecuali

mempunyai erti yang diberikan dalam seksyen 226 CMSA.

tersenarai ertinya diterima masuk dalam Pasaran LEAP Bursa dan tidak dikeluarkan, dan “**penyenaraian**” akan ditafsirkan dengan sejajarnya.

BAHAGIAN B – TAFSIRAN

1.02 Tafsiran

- (1) Melainkan jika ditakrifkan selainnya dalam Kehendak-Kehendak ini atau melainkan jika konteksnya menghendaki makna yang lain, perkataan atau ungkapan yang ditakrifkan dalam Akta Syarikat, apabila digunakan dalam Kehendak-Kehendak ini, mempunyai erti yang sama sebagaimana dalam Akta Syarikat.
- (2) Selain yang dinyatakan di atas, istilah dan ungkapan-ungkapan tertentu yang lain juga telah ditakrifkan dalam Bab masing-masing. Takrif tersebut hanya terpakai berkenaan dengan Bab masing-masing yang mengandungi istilah dan ungkapan itu.

1.03 Kuasa sampingan dan lain-lain bagi Bursa

Jika mana-mana peruntukan Kehendak-Kehendak ini memberi kuasa, membenarkan atau membolehkan Bursa melakukan atau menguatkuasakan perlakuan apa-apa perbuatan atau perkara, maka Bursa mempunyai semua kuasa atau hak sedemikian sebagaimana yang perlu atau semunasabahnya bersampingan dengan perlakuan atau penguatkuasaan perlakuan perbuatan atau perkara tersebut oleh Bursa.

1.04 Jantina

Melainkan jika konteksnya menghendaki makna yang lain, perkataan yang membawa maksud jantina termasuk semua jantina.

1.05 Tunggal dan jamak

Melainkan jika konteksnya menghendaki makna yang lain, perkataan yang membawa maksud bilangan tunggal termasuk bilangan jamak dan begitu juga sebaliknya.

1.06 Tajuk

Tajuk dan subtajuk dalam Kehendak-Kehendak ini dimasukkan untuk kemudahan rujukan sahaja.

1.07 Lampiran

Lampiran hendaklah dianggap, dibaca dan ditafsirkan sebagai bahagian penting Kehendak-Kehendak ini.

1.08 Rujukan

- (1) Rujukan kepada Kaedah, Bahagian dan Bab melainkan jika dinyatakan selainnya hendaklah ditafsirkan sebagai rujukan kepada Kaedah, Bahagian dan Bab dalam Kehendak-Kehendak ini.
- (2) Rujukan kepada Lampiran melainkan jika dinyatakan selainnya hendaklah ditafsirkan sebagai rujukan kepada Lampiran dalam Kehendak-Kehendak ini.
- (3) Rujukan kepada peruntukan statut dan perundangan subsidiari termasuk apa-apa peruntukan yang dipinda atau digubal semula dari semasa ke semasa.

-
- (4) Rujukan kepada statut dan perundangan subsidiari termasuk apa-apa penggabungan, penggantian atau penyemakan statut dan perundangan subsidiari itu.

[Bab tamat]